

Talyaaniga



WAXA AAD U BAAHAN TAHAY INAAD KA OGAATO DIB-U-DEJINTA

KA FAAIDEYSTAYASHA ILAALINTA CAALAMIGA AH



Ogow. Buug-yarahan wuxuu xambaarsan yahay macluumaad muhiim kuu ah. Haddii ay jiraan wax aad ka fahmi waydo buug-yarahan, waxaad weydiin kartaa sarkaal socdaal.

SOMALI

Waa maxay dib u dejin?	3
Haddii lagu doorto, waddanke ayaa lagu wareejin doonaa?	4
Maxaa lagaa doonayaa haddii lagu doorto dib-u-dejin?	4
Maxaa dhacaya haddii xubin qoyskaaga kula socdo?	5
Ma la qaadi doonaa wareysi ka hor inta aan dib-u-dejinta la sameyn?	5
Maxaa dhici doona kadib dib udejinta?	6

➤ WAA MAXAY DIB U DEJIN?

Haddii waddan uu mar qura helo tiro badan oo codsiyo magangelyo caalami ah oo aanu maareyn karin, waddamada kale ayaa ku caawin kara siyaabo kala duwan. Mid ka mid ah siyaabaha dalalka iskaga caawin karaan waa iyaga oo oggolaanaya in dadka horey loo siiyay ilaalinta caalamiga ah (oo sidoo kale loo yaqaan ka faaideystayasha ilaalinta caalamiga ah) laga wareejiyo hal dal loona wareejiyo dal kale. Tani waxa loo yaqaan dibu-dejin.



Kaliya dadka la siiyey magangelyo gudaha saddexdii sano ee u dambaysay ayaa u qalmi doona dib-u-dejin.

Haddii xaaladdan dhacdo, waxaa lagu wareejin karaa waddan kale. Kaliya 26 waddamada EU+ ayaa hadda ka qayb qaadan kara dib-u-dejinta waddamada kale.

❗ MUHIIM! Waxaad hadda ku sugan tahay Talyaaniga, kaasoo ah waddan ka tirsan EU+.



26-ka waddan ee hadda ka qayb qaadan kara dib-u-dejintu waa: Belgium, Bulgaria, Czechia, Germany, Estonia, Ireland, Greece, Spain, France, Croatia, Italy, Cyprus, Latvia, Lithuania, Luxembourg, Hungary, Malta, Netherlands, Austria, Poland, Portugal, Romania, Slovenia, Slovakia, Finland and Sweden.



5ta waddan ee “la xiriira” iyo kuwa kale ee aan ka qayb qaadan dib-u-dejinta hadda waa: Denmark, Iceland, Liechtenstein, Norway iyo Switzerland.

➤ HADDII LAGU DOORTO, WADDANKEE AYAA LAGUU WAREEJIN DOONAA?

Maamulka ayaa go'aamin doona cidda dib loo dejin karo.

Haddii lagu doorto dib-u-dejin, waxaa lagu wareejin doonaa waddan kale kaliya haddii aad ogolaato.

❗ **MUHIIM!** Adigu ma dooran kartid waddanka lagu dejinayo.

➤ MAXAA LAGAA FILAYAA HADDII LAGUU DOORTO DIBU-DEJIN?




Haddii lagu doorto dib-u-dejin oo aad ogolaato in lagu raro waddankaas, waa inaad:

- La shaqeysaa maamulka oo aad raacdaa tilmaamahooda
- Ku sugnaataa waddankani ilaa taariikhda safarkaaga, isla markaana maamulka uu ku heli karo

➤ KAWARAN HADDII XUBNAHA QOYKAAGA AH KULA JOOGAAN?

Haddii aad hadda la socoto xubno ka tirsan qoyskaaga dhow ee sidoo kale helay magangelyo, oo lagu doorto dib-u-dejin, qoyskaaga waa lagula wadi doona adiga oo la socda, haddii ay iyaguna ogolaadaan.

Xubnaha qoyska dhow waxaa loo tixgeliyaa:



- ninkaaga ama xaaskaaga
- lammaanahaaga aan guursan oo aad la wadaagto xiriir deggan


- ilmahaaga (ka yar da'da 18 sano oo aan guursan).

➤ WAREYSI MA LA QAADI DOONAA KAHOR DIBU-DEJINTA?



Haddii macluumaad dheeri ah lagaa doonayo, wareysi ayaa lagula yeelan doonaa. Waxa uu diiradda saari doonaa arrimaha amniga. Haddii aad u baahato inaad tagto wareysi noocaas ah, maamulka ayaa kuu sheegi doona faahfaahinta xili hore.

➤ INTEE INLE'EG AYUU NIDAAMKA DIBU-DEJINTU QAADAN KARAA?



Haddii codsi lagu sodiyo si lagugu raro waddan kale, waddankaas waa inuu go'aan ka gaaro codsiga 1 ilaa 2 toddobaad gudahood.

Haddii codsiga la aqbal, wareejintaada waddankaas waa la abaabuli doonaa 4 toddobaad gudahood.

Waxaa lagu ogeysiin doonaa wareejinta ugu yaraan 1 toddobaad ka hor.

Haddii waddanka codsiga uusan aqbalin, waxaad ku sii nagaan doontaa dalka hadda aad joogto.

➤ MAXAA DHICI DOONA KA DIB DIBU-DEJINTA?

Haddii lagu raro waddan kale, xuquuqahaaga sida qofka helay magangelyo ayaa si toos ah ugu wareegi doonta waddankaas.



Buug-yarahan waxaa loogu talagalay ujeedooyin macluumaad oo keliya. Keligii ma abuuro xuquuq ama waajibaad Hay'adda Midowga Yurub ee Magangalyada (EUAA) ayaa bixisay qaybta ugu weyn ee agabkan, waxaana EUAA kaliya oggolaatay in ay nuquliyaan ama wax ka beddelan buug-yarahan Waddamada Xubnaha ka ah EU. EUAA ma qaado wax mas'uuliyad ama xil ku saabsan saxsanaanta, nuxurka, dhameystirnaanta, sharcinimada ama kalsoonida macluumaadka ku jira buug-yarahan ee ay bixiyeen Waddamada Xubnaha ka ah EU ama dhinac saddexaad oo mas'uul ah. EUAA iyo cid kasta oo ku shaqaysa magaca EUAA midna mas'uul kama aha isticmaalka laga yaabo in laga sameeyo macluumaadka ku jira buug-yarahan.